

## ISD 279–OSSEO AREA SCHOOLS

### XOV XWM RAU TSEV NEEG THAUM MUAJ HUAB CUA TSIIS ZOO THIAB KEV CEEV

Feem ntau, tsev kawm ntawv kuj tsiis kaw txawm tias tej hnuv muaj huab cua tsiis zoo. Yog koj tsiis pom zoo nrog tsev kawm ntawv qhov kev txiav txim siab no rau tej hnuv uas koj xav tias huab cua tsiis zoo no ces koj muaj cai tso koj tus menyuam nyob tsev los kuj tau. Thov koj hu mus rau koj tus menyuam lub tsev kawm ntawv paub hais tias koj tus menyuam tsiis tuaj kawm ntawv es lawv mam li zam rau nws.

### TSEV KAWM NTAWV YUAV KAW THIAB TSO MENYUAM LOS TSEV NTXOV

#### Tsev Kawm Ntawv Kaw

Cov thawj coj yuav txiav txim siab tau hais tias yuav kaw lossis tsiis kaw tsev kawm ntawv los ntawm muaj daus ntau los tsawg, nab kuab, thiab cov cua txiag. Yog hais tias lub National Weather Service paub meem lawm hais tias cov cua txiag yuav qig mus txog li -35 F (hauv qab xum) no ces tsev kawm ntawv yuav tsaug kaw. Peb yuav txiav txim siab hais tias yuav kaw los tsiis kaw tsev kawm ntawv ua ntej 5:30 a.m. sawv ntsov ntawd tom qab peb soj ntsuam tej huab cua, saib kev qhauj huab cua, thiab nrog cov saib xyuas tsheb npav tham tas.

#### Tso menyuam los tsev ntsov/lawb

Kev tso cai rau cov menyuam tub ntshais kawm ntawv los tsev ntsov yuav tsiis tshua muaj (thaum muaj huab cua phem), vim cov tsheb npav ua tsiis tau yooj yim. Tiam sis, yog cov huab cua phem zuj zus tuaj lawm no ces, tus Thawj Thaj Khu Loj mam li txiav txim kaw cov tsev kawm ntawv kom ntsov. Cov neeg khiav cov dej num no yuav txiav txim rau thaum lub sijhawm li ntawm 11 teev sawv ntsov.

- Lawb thaum nrab hnuv: Pub su rau menyuam noj thiab yuav tso cov menyuam hnuv nyoog loj los tsev ua ntej lawv thiab li pab zov tau lawv cov muag nug yau.
- Cua daj cua dub los sis lwm yam huab cua phem tsiis zoo: Tsheb npav yuav tsiis thauj menyuam mus tsev thiab cov tub ntshais kawm ntawv yuav tau nyob hauv tsev kawm ntawv tos.

#### Tsis Muaj Pib Lig

Vim muaj kev nyuab rau kev thauj menyuam xws li tej menyuam uas tuaj kawm ntawv lwm qhov tuaj, tej tsheb npav uas tos tej menyuam tsiis muaj vaj tsiis muaj tsev nyob, thiab tej tsheb npav uas xa tej menyuam mus kawm ntawv tshwj xeeb rau lwm lub tsev kawm ntawv) Osseo Area Schools thiab tsiis muaj qhov kawm ntawv pib lig ob teev ntawd lawm.

#### Cov Kev Pab Cuam, Kev Ua Ub Ua No, Txheej Xwm

Thaum cov tsev kawm ntawv raug kaw lawm, txhua yam kev pab cuam ua ub ua no txheej xwm tom qab lawb ntawv yav tsaus ntuj ntawd los puav leej kaw tsiis thiab tsiis hais kev ua si li ub li no thiab cov kawm ntawv rau yav tsaus ntuj (cov hoob kawm rau cov laus thiab hluas, qhia ntawv rau cov menyuam me, thiab Kidstop kev pab cuam, hoob qhia ntawv rau cov laus, thiab hoob qhia ntawv rau cov menyuam me me). Txhua yam kev ua si lossis kev kawm uas lwm tus sab nraud tau cooj tseg cia ua los puav leej raug kaw tag nrho ib yam. Phau ntawv Kidstop Family Handbook yuav qhia niam txiv paub mee hais tias lawv yuav mus tos lawv cov menyuam lcas.

### KEV SIB TXUAS LUS

Yog tsev kawm ntawv yuav kaw lossis yuav los tsev ntsov, peb yuav qhia los rau nej raws li nram no:

- **Hu xov tooj/email:** Peb yuav hu xov tooj/xa email los qhia rau nej paub. Thov muab nej tus xov tooj/email, lossis yog nej hloov lwm tus tshab lawm, thov qhia rau koj tus menyuam lub tsev kawm ntawv paub.
- **Nyob rau Online:** Yog thaum twg muaj kev kub ntshov ceev yuav muab sau rau hauv peb lub vajsab (website - [www.district279.org](http://www.district279.org)) thiab koog tsev kawm ntawv nplooj (Facebook page—[www.facebook.com/OsseoSchools](http://www.facebook.com/OsseoSchools)).
- **Muab tshaj tawm:** Yuav muab cov xov xwm xa mus rau cov xov tooj cua loj thiab cov tshooj TV muab tshaj tawm qhia tias yog, “Osseo District 279.”

Thov tsiis txhob hu xov tuaj nug koj tus menyuam lub tsev kawm ntawv thaum lub sijhawm muaj kev ceev kub ntshov. Cov xov tooj yuav tau tseg cia sib tham rau thaum muaj kev ceev kub ntshov ntawd xwb. Yog koj xav tau kev pab dabtsi, thov hu mus rau koog tsev kawm ntawv hauv paus loj tus xov tooj: 763-391-7000.

*(sab nraud)*

## NIAM TXIV/TUS NEEG SAIB XYUAS TEJ HAUJLWM

- **Npaj rau tsev neeg thaum tsev kawm ntawv muaj kev ceev kub ntxhov:** Qhia koj cov menyuam paub seb yuav ua licas thaum tsev kawm ntawv kaw. Thaum tsev kawm ntawv kaw cov menyuam puas paub mus txog tsev yam tsis muaj teeb meem dabtsi?
- **Cov neeg uas tsev kawm ntawv tij tauj tau thaum muaj kev ceev kub ntxhov:** Yuav tsis tso menyuam nrog leej twg mus, yuav tsum yog niamtxiv, tus neeg saib xyuas, los yog tus tau lus tso cai muaj npe nyob rau hauv tus menyuam daim ntawv muaj kev ceev kub ntxhov uas muab khaws cia rau tom tsev kawm ntawv. Thov xyuas daim ntawv no kom meej yog yam twg tsis yog hais qhia paub.
- **Hnav ris tsho kom haum raws li tej huab cua:** Thov muab koj tus menyuam hnav ris tsho kom haum raws li tej huab cua, xws li: tsho tiv no, hnav looj tes, kaus mom, thiab rau khau tiv daus. Koj tus menyuam yuav tau tawm mus nraum zoov yog thaum muaj mus ua si sab nraud. Tus thawj tswj yog tus txiav txim siab seb puas muaj mus ua si sab nraud yog thaum huab cua tsis zoo.

## NPAJ RAU THAUM MUAJ YAM KEV CEEV KUB NTXHOV

Osseo Koog Tsev Kawm Ntawv tau npaj tau ib cov hom phiaj los siv rau thaum muaj yam kev ceev kub ntxhov. Cov hom phiaj no yog muab los ntawm tej tub ceev xwm, cov saib xyuas phab kev ceev kub ntxhov, thiab cov saib xyuas phab kev noj qab nyob zoo. Kev xyaum npaj ua tej yam uas yuav tiv thaj tau yug tsis pub yug raug kev teeb meem puam tsuaj yog muaj nyob rau txhua lub tsev kawm ntawv. Tej no yog npaj los rau cov tub ntxhais kawm ntawv thiab cov neeg ua haujlwm xyaum ua kom lawv paub npaj lawv tus kheej thaum muaj kev ceev kub ntxhov.

Cov hom phiaj npaj rau thaum muaj kev ceev kub ntxhov no yog muab los ntawm tsib lub tswv yim qhia txog "txhua yam kev kub ntxhov" uas yog coj los siv tau ceev daws teebmeem thaum ntsib tej yam zoo li nram no. Yog thaum muaj tej teeb meem ceev kev kub ntxhov txawv txawv, tus thawj tswj los yog tus thawj tswj koog tsev kawm ntawv yuav muab ib qho coj los siv raws li nram no, yog thaum tsim nyog:

1. **Tshem Tawm:** Txhua tus menyuam kawm ntawv thiab cov neeg ua haujlwm yuav tau tawm hauv lub tsev kawm ntawv ntawd mus rau lwm qhov. Yog ntawm lub tsev kawm ntawv thaj chaw tseem tsis puaj phais, tej zaum yuav muab cov menyuam xa mus rau lwm qhov chaw.
2. **Nkag Los Hauv Tsev:** Txhua tus menyuam kawm ntawv thiab cov neeg ua haujlwm yuav tsum nkag los kom tag rau hauv lub tsev kawm ntawv. Txhua lub qhov rooj thiab qhov rais sab nraud yuav muab kaw thiab xauv kom tas. Yuav tsis pub neeg tawm thiab nkag los rau hauv lub tsev kawm ntawv.
3. **Chaws Nkaum Cua Daj Cua Dub:** Txhua tus menyuam kawm ntawv thiab cov neeg ua haujlwm yuav mus nkaum rau ib qhov chaw hauv lub tsev kawm ntawv. Yog muaj cua daj cua dub los raug rau lub sij hawm thaum lawb ntawv, tej zaum cov npav yuav khiav qeeb zog.
4. **Nkaum-hauv-ib Qho Chaw:** Txhua tus menyuam kawm ntawv thiab cov neeg ua haujlwm yuav mus nkaum ib qho chaw hauv lub tsev kawm ntawv. Yuav muab cov qhov rais kaw kom tas thiab tsis qhib cov kiv cua kom pa phem tsis txhob nkag tau los.
6. **Xauv Tag Nrho:** Yuav kom txhua tus menyuam kawm ntawv thiab cov neeg ua haujlwm xauv lawv cov qhov rooj thiab qhov rais tag nrho txhua lub. Yuav tsis pub neeg tawm thiab nkag los rau hauv lub tsev kawm ntawv.

\* Nyob rau lub sij hawm tshem tawm, nkag los, los yog xauv tag nrho, yuav tsis pub leej twg nkag los, niamtxiv kiag los yeej tsis pub nkag los. Thaum qhov kev ceev kub ntxhov no dhau mus lawm, mam li pub koj nkag los rau hauv tsev kawm ntawv tau.